

VAN ONS SUSTERS

* Oktoberfees *

Die Susters se verkoping vind plaas op **Saterdag 30 Oktober 2021** en begin om **08:30 tot 12:00**. Ter wille van die Covid-beperkings sal daar aanpassings in die formaat gemaak word.

In beginsel is daar besluit op die volgende stalletjies: Kerrie & Rys, pannekoek, poeding, wit olifant, gebak, koeldrank en koffie- en teetuin. Die wyksusters sal lidmate kontak in verband met 'n bydrae vir bogenoemde tafels of kontant of hulp in watter vorm ook al. Meer besonderhede sal in 'n volgende "Op die Kerkwerf" verskyn.

Die wykslyste vir die wyksusters van die gemeente is in die saal beskikbaar. Dit kan ná die diens in die saal afgehaal word. Daar is nog drie wyke sonder 'n wyksuster. Nelly, nms Susters

WITOLIFANTTAFEL: OKTOBERFEES, 30 OKTOBER

As jy enige bruikbare artikel nie meer wil hê nie of dit lê in jou pad, dan is die witolifanttafel by ons Oktoberfees net die plek waar ons dit kan verkoop aan iemand wat dit nog kan gebruik. Ons dink veral aan ouer lidmate wat wil opruim by hulle huise omdat daar na baie jare se opgaar nie meer plek vir alles is nie – **bring daardie artikels vir die witolifanttafel!**

Artikels kan voor 30 Oktober by die koster, Pieter Bouwsema afgegee by die kantoor of selfs die dag van die verkoping nog gebring word.

Navrae by Flip Mostert en Faans Steyn

TEETUIN

*Kom geniet koek en tee by die teetuin
30 Oktober 2021 vanaf 08:30 tot 12:00*

*Bring jou hele familie en
geniet die oggend*



Op die Kerkwerf

Gemeenteblad van die Gereformeerde Kerk Potchefstroom

Jaargang 37, nr 37 Sondag 3 Oktober 2021

REDAKTEUR: RUDY VAN DER SPOEL 082 864 4422

rudy@telkomsa.net

Eredienste: 09:30 en 18:00

Prediker: Ds Jannes van Dyk 072 224 7181

Kantoor 018 294 4600 **Faks:** 086 610 9283 **Hulpprediker:** Prof Callie Coetzee 082 337 7951

Orrelis: Magda Pelser-van der Merwe 079 872 2516 **Koster** Pieter Bouwsema 082 923 1384

E-posadres: kantoor@gkpotchefstroom.co.za **Web:** www.gkpotchefstroom.co.za

Diensbeurte by eredienste: Ouderling wyk 1 **Gert Kruger** en wyk 2 **Frikkie Venter**. Diaken: Wyke 1 **Johan Viljoen** en 2 **Zurich Terblanche**

EREDIENSTE Albei dienste waargeneem deur prof Callie Coetzee

Goeiedag broers en susters, kinders en besoekers

Oggenddienste om 9:30: Eredienste ook per whatsapp

OGGEND: Vooraf sang: Skrifberyming 57: 1 - 5 (Tema 18 - 6);
Skrifberyming 34: 1, 3 (Tema 2 - 2)

Skriflesing: Hebreërs 10 (1953 vert)

Sang: Psalm 146:1, 8; Psalm 25: 3; Psalm 84: 4, 6; Psalm 68:1, 9.

AAND:18:00.

Vooraf sang: Psalm 119: 39; Psalm 33: 5, 6.

Skriflesing: 2 Petrus 1 (1953 vertaling); NGB Art 3, 4.

Sang: Psalm 138: 1, 2; Skrifberyming 24: 3, 4 (Tema 1 - 1);
Skrifberyming 43: 4, 6 (Tema 15 - 7).

Kollektes vanoggend: Diens van Barmhartigheid in die blou sakkies en vir *Thusofonds* in die rooi sakkies.

Vanaand: Diens van Barmhartigheid en *Kerkkas*

U word vriendelik versoek om vir die volle duur van die eredienste u masker te dra en om deurentyd gesonde afstand te handhaaf.



ALMANAK van die GKSA kan in die kantoor bestel word voor 17 Oktober. Vir ons plaaslike lidmate is die prys R 100.

LIEF EN LEED



Gene Putter sterk aan na haar operasie in Klerksdorp. Ons is dankbaar dat die operasie suksesvol afgehoop het en bid haar die seën van ons hemelse Vader toe met die herstelproses.

Lourensia Laufs sterk steeds aan na die operasies aan albei hande en verduur nog pyn. Ons bid vir volkome genesing. 'n Kleindogter van Hans en Lourensia het gister in die huwelik getree. Ons hartlike gelukwensing en bede dat ons troue Verbondsgod die huwelik ryklik sal seën.

Corrie Fourie het die afgelope week twee oogprosedures ondergaan. Ons bede is dat hy groot verbetering in sy sig sal ervaar.



Annemarie Steyn is die afgelope week in Mediclinic opgeneem. Ons bede is dat ons hemelse Vader die behandeling sal seën en dat sy weer haar kragte sal herwin.

Babs Botha ervaar steeds las van haar gesondheid en ons bid haar krag en genade toe.



VERJAARDAE HIERDIE WEEK

Die volgende lidmate word hartlik gelukgewens met hulle verjaardae. Mag dit vir u en u dierbares 'n baie geseënde nuwe lewensjaar wees



3 Okt **Dala Jooste**, Wyk 19

5 Okt **Magda Pelsers- Van der Merwe**, Wyk 5

8 Okt **Petro van der Walt**, (86 jaar)

. Wyk 13.

VAN ONS KERKRAAD

Ds Jannes en gesin is tot 11 Oktober met vakansie.

Indien daar bedieningsnood is kontak u ouderling of prof Callie.

BYBELSTUDIES

Geen Bybelstudie by Huis Eikelaan hierdie week nie, agv die reses.

KATKISASIE

Ons katekisasiewerksaamhede hervat DV na die lenteses.

VERGADERING VAN OUDERLINGE MET DIAKENS

Op 17 Oktober sal daar 'n buitengewone vergadering van die ouderlinge met die diakens plaasvind. Daar sal dan in besonder besin word oor die bediening van die diakens in die gemeente. U voorbidding vir hierdie vergadering word gevra.

Die spesiale kollekte in Oktober 2021 gaan vir:

Sondag	3 Oktober	Thusofonds
Sondag	10 Oktober	Emeritaatsversorging
Sondag	17 Oktober	Emeritaatsversorging
Sondag	24 Oktober	Bybelverspreiding
Sondag	31 Oktober	Thusofonds

Die Kerkblad

Ondersteun Die Kerkblad asseblief. Lidmate wat graag wil inteken op Die Kerkblad, kan met Prof Callie of ouderling Piet Aartsma skakel. Die voortbestaan van ons blad is afhanklik van soveel intekenare as moontlik. Intekengelde is R323 per jaar vir die harde-kopie en R135 vir die elektroniese kopie (11 uitgawes)

Kerklike bydrae en kollekte se inbetalings in die onderskeie rekeninge

Lidmate word daaraan herinner om in hierdie grendeltyd u **maandelikse kerkbydraes** in te betaal in die **Kerkraad se rekening**. Dui asseblief u naam, van, en wyknommer duidelik aan.

Bydraes vir die diakonie asook die ander **spesiale kollekte** kan inbetaal word in die **Diakonie se rekening**. Gee asb 'n duidelike verwysing by u bydraes sodat dit korrek toegewys kan word. **Besonderhede van die rekeninge** word hier onder gegee.

Diakonie: **Diakonie GK Potchefstroom.**

Kerkraad: **Gereformeerde Kerk Potchefstroom)**

Susters: **Susters van die Gereformeerde Kerk Potchefstroom**

Bank: FNB Potchefstroom.

HUIS EIKELAAN; VAKANTE POS : HUISMOEDER

Die pos as huismoeder in Behuisingsafdeling is vakant vanaf Oktober 2021. Persone wat aansoek wil doen vir die pos kan aansoekvorms en vereistes van die pos by die sekretaresse kry. Handig aansoekvorms en volledige CV so gou moontlik by die bestuurder in. Sluitingsdatum vir aansoeke is 10 Oktober 2021.

Belangstellendes kan ons kantoor kontak by of by my e-posadres
M M le Roux Huis Eikelaan